

冷

廬

醫

話

冷廬醫話自序

醫理至深至易言哉抑自漢唐以來代不乏人既已詳
且盡矣又奚待言矧余小子學疏識庸莫究要妙不亦
可已於言乎雖然言必窮乎理之奧則誠不能以幾及
若惟撫拾聞見以自達其意之所欲云又何必不言於
是涉獵之餘隨筆載述聊以自娛意淺而辭瑣殆所謂
言之無文者歟夫言之不能文猶之可也言而或悖於
理則言適足以招尤矣是用不敢晦匿求當代君子教
正焉

咸豐八年十二月陸以湑書於杭州學解之冷廬

金匱醫話目錄

卷一

醫範

醫鑑

慎疾

保生

慎藥

求醫

診法

脈

用藥

卷二

古人

今人

古書

今書

卷三

形體

中風

傷寒

陰症陽症

暑

暑風

霍亂轉筋

熱

熱入心胞

疫

痧

瘧

三陰瘧

痢

瀉

疝

咳嗽

噎

吐

頭痛

脇痛

腹痛

肝病

七情

不寐

卷四

吐血

諸血

汗

疸

腫

消

傷食

邪崇

癘

耳

目

喉

舌

齒

腿

雜病

婦科

胎產

乳

卷五

幼科

痘

疳

外科

疔

鍼灸

藥品

食

酒

鴉片煙

雜方

質正

同邑後學同善祥潛廬甫校

同邑後學同善祥潛廬甫校

冷廬醫話卷一

桐鄉 陸以湑 定圃氏著

醫範

徐氏醫統云古醫十四科中有脾胃科而今亡之矣道藏經中頗有是說宋元以來止用十三科考醫政其一爲風科次傷寒科次大方脈科次婦人胎產科次鍼灸科次咽喉口齒科次瘡瘍科外即今外科次正骨科次金鏃科次養生科即今修養家導引按摩熨納是也次祝由科經曰移精變氣即今符呪禳禱是也國朝亦惟取十三科而已其脾胃一科終禱道教是也莫之續類經云醫術十三科曰大方脈曰婦人曰傷寒

曰瘡瘍曰鍼灸曰眼曰口齒曰咽喉曰接骨曰金鏃曰按摩曰祝由今按摩祝由失其傳二說微不同而太醫院所設十三科則與類經之說同詳見明史余按近有專業耳科者是又在諸科之外矣

錢塘明醫金潤寰

堯珂

治極難險症從容處之常云古

之名醫者曰和曰緩倉遽奚爲耶此語可爲俗醫鍼砭五世之醫北齊有徐之才元有危亦林

國朝有陳治

華亭人

三世之醫宋張杲陳自明倪維德陸

士龍爲最著近代亦多世其業者青浦北簞山何自元至今已二十四世矣

張子和云古人以醫爲師故醫之道行今以醫譬奴故醫之道廢有志之士恥而不學病者亦不擇精粗一概待之常見官醫迎送長吏馬前唱喏真可羞也由是博古通今者少而師傳遂絕吁醫官馬前唱喏乃以爲可羞乎今之官趨承上司可羞之端更有甚於此者而況於醫乎山陰陳載庵爲其邑令治病獲瘳將薦之上司使爲醫官於郡中力辭將著之勳籍使棄醫而爲官又力辭此真過人遠矣

醫人每享高齡約略數之如魏華陀年百餘吳普九十餘晉葛洪八十一北齊徐之才八十北周姚僧垣八十

五許智莊八十唐孫思邈百餘甄權百三孟詵九十三
宋錢乙八十二金李慶嗣八十餘成無已九十餘元朱
震亨七十八明戴原禮八十二汪機七十七張介賓七
十八近代徐靈胎大椿七十九葉天士桂八十蓋既精
醫學必能探性命之旨審頤養之宜而克葆天年也

葉天士治金某患嘔吐者數年用泄肝安胃藥年餘幾
殆徐靈胎診之謂是蓄飲爲製一方病立已

見徐批臨證指南

薛生白治蔡輔宜夏日自外歸一蹶不起氣息奄然口
目皆閉六脈俱沈少妾泣於傍親朋議後事謂是痰厥
不必書方目以獨參湯灌眾相顧莫敢動者良久自汗
自利九息常

熟人設醫肆於楓橋因邀之入視符也參不可
用當服清散之劑眾以二論相反又相顧莫敢決其塾
師馮在田曰吾聞六一散能祛暑邪盍先試之皆以爲
然卽以葦管灌之果漸蘇符又授以解暑之劑病卽霍
然見徐晦堂聽雨軒雜記夫葉薛爲一代良醫猶不免有失況其
他乎知醫之不可爲矣然如符姓素無名望而能治良
醫誤治之疾則醫固不可爲而可爲也

震澤吳曉鉅茂才

劍森

言乾隆某年吳門大疫郡設醫

局以濟貧者諸名醫日一造也有更天某者身面浮腫
徧體作黃白色詣局求治薛生白先至診其脈麾之去

曰水腫已劇不治病者出而葉天士至從肩輿中遙視之曰爾非更夫耶此熱驅蚊帶受毒所致二劑可已遂處方與之薛爲之失色因有掃葉莊踏雪齋之舉二人以盛名相軋蓋由於此其說得之吳中者醫顧某顧得之於其師其師蓋目擊云

徐靈胎名醫不可爲論謂名醫聲價甚高輕證不卽延治必病勢危篤醫皆束手然後求之於是望之甚切責之甚重若真能操人生死之權者如知病之必死示以死期而辭去猶可免責若猶有一綫生機用輕劑以塞責致病人萬無生理則於心不安用重劑以背城一戰

萬一有變則謗議蜂起前人誤治之責盡歸一人故名
醫之治病較之常醫倍難此蓋現身說法猶爲眞名醫
言也若獲虛名之時醫旣無實學又切貪心凡來求診
無不診視其以重幣招致者臨證猶或詳慎鄰近里閭
之間尋常酬應惟求迅速了事漫不經心余昔一弟一
子皆爲名醫誤藥而卒弟以瀾中秋節玩月眠遲次日惡寒發熱誤謂冒寒用桂枝葛根防風等味致內陷神昏不知實伏暑證也子賈章內風證誤謂外風而用全蝎牛黃等味致變由於
匆匆診視不暇細審病情也是以爲名醫者當自揣每
日可診幾人限以定數苟逾此數令就他醫庶幾可從
容診疾盡心用藥不至誤人性命

楊州府志謂鄭重光之醫克紹吳普許叔微之脈其不在滑壽下江都縣志以入篤行傳儀徵續志雖入方技而但以泛辭譽之太史公爲扁鵲司馬季主作傳必詳述其技蓋人以技傳不詳其技不如不錄其人也此論最合著述之要近代文人爲醫家作傳往往以虛辭稱揚不能歷敘其治驗卽敘治驗而不詳方案皆未知紀述之體裁也

王荊亭先生

友亮

作葉天士小傳謂年十二至十八凡

更十七師聞某人善治某證卽往執弟子禮甚恭旣得其術輒棄去故能集眾美以成名善哉轉益多師是我

師藝之精不亦宜乎

紹興府志載山陰金大常蘭之祖輅精保嬰術終身不

計財利不避寒暑不先富後貧越俗醫家多出入肩輿

輅年八十餘猶步行曰吾欲使貧家子稍受半襁惠耳

又山陰孫燮和志切救世專精岐黃就醫者不論貧富

詳審精密檢閱方書幾廢食寢此皆可以爲醫者法也

醫非博物不能治疑難之症略舉二事以證之粵東呂

某女爲後母尹氏所忌佯愛之親爲濯衣潛以樟木磨

如粉入米漿糊女衣袴女服之搔癢不止全身浮突酷

類麻瘋延醫療治經年不瘳問名者絕踵不至將送入

瘋林呂不忍復請名醫程某治之程察脈辨色見其面
無濁痕手搔肌膚不輟曰此必衣服有毒所致令取其
衣滌之漿澄水底色黃黑而味烈程曰樟屑春粉壞人
肌肉所致此必爲浣衣者所藥非瘋也棄其衣勿服病
自可已如其言果然呂詢得其情遂出尹氏事見東莞歐蘇讀書樓
覽余戚王氏女徧體紅瘰痛瘡不已飲食爲減延醫視
之以爲瘡也治數旬不愈後延名醫張夢廬治之審視
再四曰此必爲壁蝨所咬毋庸醫也歸閱帳枕等檢棄
壁蝨無數果得瘳

臨海洪虞鄰南沙文集曰余家有經紀人勞苦嘔血數
升延醫視之用川連人參大黃余詰之曰既補矣又瀉
之何也答曰古方所制者因穢血未淨故瀉之余曰是
速之死也亟命勿藥老米粥厚滋味令寢食數日不一
旬而強健如故蓋勞苦之人未嘗享有飲食之美數晨
夕之安得此勝於良藥多矣其愈也固宜又有與夫素
無疾忽腰痛肚飽不食醫進以大補藥其夜腰痛益甚
腹大氣喘且死翌日醫復視之曰此中鬼箭也藥物無
所施亟宜禳遣余歎曰奈何嫁罪於鬼哉是中寒傷食
者飲以祛寒化食兩大劑第三日其人擡轎如故書之

以告世之誤信庸醫者余謂誤信庸醫由於不諳方書不能不求援於醫耳所可恨者爲醫而不深究醫理強作解人以致誤事而不自知也

吳郡某醫得許叔微傷寒九十論奉爲秘本見其屢用麻黃湯適治一女子熱病無汗謂是足太陽表證投以麻黃湯之汗出不止而殞蓋南人少真傷寒凡熱病無汗以紫蘇葱白豆豉薄荷等治之足矣豈可泥古法乎朱子暮年腳氣發作俞夢達薦醫士張修之診視云須略攻治去其壅滯方得氣脈流通先生初難之張執甚力遂用其藥初製黃耆栗殼等服之小效再用巴豆三

稜莪茂等藥覺氣快足輕向時遺愛多不下膈之症皆去繼而大腑又秘結再服溫白丸數粒臍臍通而泄瀉不止矣黃芽歲丹作大劑投之皆不效遂至大故蔡九峯夢葬記詳載之觀此知高年人治病慎不可用攻藥也

祥符縣醫生胡某操技精良當道皆慕名延致都督某之女與人私偶感寒疾招胡診之胡謂此孕脈也某曰先生之言信乎胡曰非識之真不敢妄言也某乃呼女出以刀剖其腹視之信然胡大駭暈仆良久始蘇歸病數月卽卒胡之藝工矣惜乎其不知顧忌也

先祖秋哇公宰密縣

時諗知此事先生祖母顧
太孺人恆爲以滫言之

近世醫者能讀內經鮮矣更有妄引經語致成笑端者
如治不得寐引半夏秫米湯覆杯則臥云是厭勝之法
令病者服藥後覆盞几上謂可安臥治腳疔引膏梁之
變足生大疔以爲確徵不知足者能也非專指足而言
又有治瘡瘡證以陰氣先傷陽氣獨發爲已任編之言
蓋未讀內經金匱第見已任編有是語耳疏陋若此乃
皆出於懸壺而知名者也

醫貴專門歟吳章傳

端甫

攢花易簡良方中勸行

醫說言之甚爲切至特錄之古法行醫各有專科近見

懸壺之輩往往明日出道今日從師牌書內外兩師傳授甚至兼治痧痘咽喉探其根底一無擅長不過取門數之多以博錢財抑知賦質有限何能兼善病者不知恆被貽誤曾見有人患風痧醫視爲漆咬而誤用清藥又有患火焰疔者醫視爲熱瘡而誤用發散諸品幾致不治此皆不專門故也可不慎哉

蘇州曹某狀修偉多髯醫名著一時而聲價自高貧家延請每不至巨室某翁有女待年閨中因病遣僕延曹僕素憎曹給以女已出嫁今孕數月矣吳俗大家婦女避客醫至則於牀幃中出手使診曹按女脈漫云是孕

翁大駭異次日延醫至使其子僞爲女診之復云是孕其子褰幃啟袴視之曰我男也而有孕乎誣我猶可誣我妹不可恕也叱僕毆之并飲以糞跪泣求免乃薙其髻以粉筆塗其面縱之去歸家謝客半載不出聲望頓衰太湖濱瘍醫謝某技精藥良而居心貪譎往往乘人之急以爲利鄰村某農母患疽求治以其貧拒之疽潰遂死某憤甚謝有拳勇數十人不能近某持刀伏稻間伺其出突起刺其腰謝以所製藥敷治將痊怒某之刺己也亟愬之縣循例擡驗縣官揭其衣用力重衣開皮裂冒風復潰而卒某按律抵罪後遇赦得生此二人醫

術皆良乃一則以倣敗名一則以貪傷身皆可爲戒故並誌之

徐靈胎慎疾芻言曰少時見前輩老醫必審貧富而後用藥尤見居心長厚況是時參價尤賤於今日二十倍尙如此謹慎卽此等存心今日已不逮昔人矣此言真可砭俗近時所稱名醫恆喜用新奇之藥以炫其博價值之昂不計也甚至爲藥肆所餌凡診富人疾必入貴重之品俾藥肆獲利此尤可鄙

楊州府志辨高郵州志稱袁體庵

班

案脈極捷以爲醫

之切脈以審慎爲工捷於案脈乃市醫苟且之爲班斷

不如是云云吁今之醫者鮮不以捷爲工卽延醫者亦皆以捷爲能盍深味此言

南方有割螳螂子之術小兒蒙其害

徐靈胎蘭臺軌範詳辨之謂卽括乳

法用青黛一錢元明粉三錢礪砂一錢薄荷五分水片一分同研細擦口內兩頤一日四五次

北方有

割瘳之術婦人蒙其害兼及小兒

吳鞠通溫病條辨雜說詳之謂痛字考之

字書並無是字焉有是病

此皆庸俗偽造其名而劣婦秘傳其技藉

以欺世圖利者明識之人慎勿爲其所惑

吾人不能徧拯斯民疾苦宜廣傳良方庶幾稍盡利濟之心每見得一秘方深自隱匿甚至藉以圖利挾索重貲殊堪鄙惡唐白華秘發背方遂遭虎阮歎謂此秘

解砒毒方竟獲冥譴可以爲鑑

烏程鈕羹梅

福厚

田中書歷官郎中在都門十餘年聲

望翕然咸豐八年三月偶患風溫惡寒自足而起漸乃

四肢身熱脈浮舌胎白醫謂是風寒用柴胡葛根防風

蒼耳子等藥遂至神昏躁厥胎黃使結更醫用石膏大

黃等藥病益危篤

醫皆都門有名者而悻悻乃若此

更醫又用理陰煎

復脈湯等卒不能救而歿年僅五十有六羹梅爲余舅

氏周愚堂先生之壻好學敦品氣度雍容咸謂可享上

壽而躋顯秩乃爲庸醫所戕亦可惜矣余見風溫濕溫

等證凡用風藥升提伏熱陷人心胞無不神昏厥逆而

斃當此卽用清營湯至寶丹紫雪丹等滴滌中宮猶可挽回於萬一使認爲陽明經腑症一誤再誤則生路絕矣作事宜從容詳慎爲醫尤甚不特審病當然卽立方亦不可欲速貽誤杭州某醫治熱病用犀角七分誤書七錢服藥後胸痛氣促而殞病家將控之官重賄乃已某醫治暑症用六一散又用滑石服之不效大爲病家所詬此皆由疏忽致咎也

治癰疽之法不可輕用月破膿鍼疾之法必先精究穴道一或不慎適以傷人迴事有可以爲鑑者杭城善者設局延醫以拯貧人外科李某與焉農夫某腳小難

李開刀傷其大筋遂成廢人農夫家眾毆李幾斃吾里有走方醫人治某哮喘病以鍼貫胸傷其心立時殞命醫卽日遁去

烏程周岷帆學士學源才藻華美咸豐九年大考一等

第二由編修擢侍講學士旋丁外艱回籍十一年避亂
苕南醫生病有年矣因坐臥不便就菱湖瘍醫費某治
之費謂可用藥攻去予以三品一條鎗大痛數日患處
潰爛翻花復投以五虎散藥用蜈蚣蟻螂全蠍等味服
後體疲神憤遽卒年僅四旬往歲余館湖城及寓京邸
恆興岷帆談藝論詩昕夕忘倦今聞其逝也深恨庸醫

之毒烈無異寇盜持書於此以志恫焉是年余避難柳姐手生癰毒亦爲費某開刀傷筋痛甚不能收口就余醫治得痊大抵近世瘍醫皆從外科正宗治法專用頑功誤人甚多學者當以爲戒

慎疾

王叔和傷寒論序例云凡人有疾不時卽治隱忍冀瘥以成癘疾小兒女子益以滋甚時氣不和便當早言尋其邪由及在腠理以時治之罕有不愈者患人忍之數日乃說邪氣入藏則難可制徐靈胎醫學源流論云凡人少有不適必當卽時調治斷不可忽爲小病以致漸深更不可勉強支持使病更增以貽無窮之害

余在台州時同官王愚庵先生年五旬餘患時感症堅
守不服藥爲中醫之戒遷延數日邪熱內閉神昏家人
延醫診治無及而卒又余戚秀水王氏子年方幼稚偶
患身熱咳嗽父母不以爲意任其冒風嬉戲飲食無忌
越日疹發不透胸悶氣喘變症畢現醫言熱邪爲風寒
所遏服藥不效而卒此皆不卽調治所致也

眞空寺僧能治鄺子元心疾令獨處一室掃空萬緣靜
坐月餘諸病如失海鹽寺僧能療一切勞傷虛損吐血
乾勞之症此僧不知神農本草黃帝內經惟善於起居
得宜飲食消息患者往彼寺中三月半年十愈八九觀

此知保身卻病之方莫要於怡養性真慎調飲食不得
僅乞靈於藥餌也

北方人所眠火坑南方人用之體質陰虛者多深入火

氣每致生疾吾邑張侯勗孝廉

維

留寓京師久臥火坑

遂患咳嗽醫者誤謂肺虛投以五味子五倍子等藥竟

至殞命張貧而好學品復端謹中年不祿士林惜之

凡從高墜下而暈絕者慎勿移動俟其血氣復定而救

之有得生者若張皇扶掖以擾亂之百無一生余戚沈

氏之女年甫十歲從樓墮地暈死急延醫視之曰幸未

移動尙可望生否則殆矣乃以藥灌之移時漸蘇而安

治跌損者人尿煮熟洗之灌之良

讀續名醫類案而知移動之禁非獨墜跌者宜然也備錄之張子和治叟年六十餘病熱厥頭痛以其用湧藥時已一月間矣加之以火其人先利年高身困出門見日而仆不知人家人驚惶欲揉撲之張曰大不可擾與西瓜涼水密雪少頃而甦蓋病人年高湧泄則脈易亂身體內有炎火外有太陽是以跌仆若更擾之便不救矣汪石山治人卒厥暴死不知人先因微寒發熱面色蒼黃六脈沈弦而細知爲中風久鬱所致令一人緊抱以口接其氣徐以熱薑湯灌之禁止喧鬧移動則氣不返矣有頃果甦溫養半

月而安不特此症爲然凡中風中氣中寒暴厥俱不得妄動以斷其氣內經明言氣復返則生若不諳而擾亂其氣不得復以致夭枉者多矣魏玉璜曰遇卒暴病家醫士皆宜知此蓋暴病多火擾之則正氣散而死也余女年十八忽暴厥家人不知此羣集喧闐又扶挾而徙之他所致難復絕救無及矣今錄張注二案五內猶摧傷也

保生

蘇子瞻曰傷生之事非一而好色者必死旨哉斯言士大夫祿位既隆更思快心悅志往往昵近房幃講求方術不知適以自促其生偶見野獲編所紀云大司馬譚

二華綸受房術於陶仲文時尙爲庶僚行之而驗又以授張江陵尋致通顯譚行之二十年一夕御妓女而敗時年甫逾六十自揣不起屬江陵愼之張用譚術不已日以枯瘠亦不及下壽而終夫譚張皆一代偉人而猶縱慾殞身可見色之易溺人也自非脫然於情欲之私而見之卓守之堅烏能不爲所害哉

凡人於情欲最難割斷觀宋李莊簡集中客有見饋溫劑云可壯元陽因感而作詩竊歎其淡泊之懷堅定之守爲不可及也詩云世人服煖藥皆云壯元陽元陽本無虧藥石徒損傷人生百歲期南北隨炎涼君看田野

間父老多康強茅簷弄兒孫春隴驅牛羊何曾識丹劑
但喜穠黍香伊余十年謫日間貴人亡金丹不離口
妙常在傍真元日滲漏滓穢留空腸四大忽分離一物
不得將歌喉變哀音舞衣換縗裳爐殘箭鏃砂篋餘鹿
角霜咄哉此愚夫取樂殊未央我有出世法亦知不死
方御寒須布帛欲飽資稻粱牀頭酒一壺膝上琴一張
興來或揮手客至亦舉觴滌硯臨清池鈔書傍明窗日
用但如斯便覺日月長參苓性和平扶衰固難忘恃藥
恣聲色如人蓄豺狼此理甚明白吾言豈荒唐書爲座右
銘聊以砭世盲讀此可以見所養之純宜其久居瘴

鄉而神明不衰克躋上壽也士大夫能如公之守身有
不康強逢吉者乎公又與蕭德超書云張全真在會稽
搜求妙麗丹砂茸附如啖魚肉徒恣嗜慾耳自謂享榮
貴得便宜今爲一蕞枯骨有甚便宜到這裏便世尊諸
大菩薩出來也救不得豈不衰哉此可以爲溺情燕私
者當頭棒喝

養生家有行房禁忌日期人每以爲迂而忽之不知世
間常有壯年得病暴亡未始不由於此至於合婚吉期
往往不避分至節氣少年恣慾隱乘陰陽之和病根或
因之而伏不可不留意也

採戰之術乃邪說也孫真人千金方房中補益篇詳房中之術且謂能御十二女而不施瀉者令人不老有美色若御九十三女而自固者年萬歲此等論說疑是後人僞託夫見色必動心況交合之際火隨慾煽雖不施瀉真精必因之而耗安能延年又治陽不起壯陽道方用原蠶蛾蛇牀子附子等味以此示人必將假熱藥以縱慾而貽害無窮曾謂濟物攝生如真人而忍出此乎男子破身遲則精力強固凡育子者最防其知識早開天真損耗每至損身當童蒙就傳之時尤宜審擇傳侶勿令比匪致傷余族姪某成童時至親戚讀書同塾六

人有沈氏子年最長導諸童以淫褻事數年後諸童病
瘵死者三人姪亦一病幾殆又如俊僕韶婢皆不宜使
之相親長洲陳公子甫婚而咯血其母慮溺於燕婉命
居書室一老奴一稚僮侍寢老奴嗜酒夜卽酣睡公子
遂與僮私病轉增劇比其母知之則已沈痼竟致不起
此所謂但知其一不知其二可不鑑諸

沈氏子余曾見
之屢應童子試

不售四十餘歲潦倒
以卒殆薄行之報

人至中年每求延壽之術有謂當絕慾者有謂當服食
補劑者余謂修短有命原不可以強求如必欲盡人事
則絕慾戒思慮二者並重而絕慾尤爲切要至於服食

補劑當審氣體之宜慎辨藥物不可信成方而或失之
偏轉受其害也

盧子繇傷寒論疏鈔金脾云人不見風龍不見石魚不
見水鬼不見地猶干祿者之不見害也余爲續之曰人
不見風龍不見石魚不見水鬼不見地猶好色者之不
見病也蓋人能不爲財色所溺則於保生之道思過半
矣

行房忍精不泄阻於中途每致成疾如內而淋濁外而
便毒等症病者不自知其由醫者鮮能察其故用藥失
宜因而殞命者多矣可不慎歟

史記太倉公傳載其診疾二十有四得之內者有七而死不治者有四其二因於飲酒且內其一因於盛怒接內其一因於得之內而復爲勞力事養生者識此當知所戒矣

嚥氣不得法反足爲害惟嚥津較易亦甚有益每日於閒暇時正坐閉目以舌徧攪口中三十六次津既盈滿分作三次嚥下嚥時喉中須嚥嚥作聲以意送至丹田此法行之久久大可卻病延年余表兄周荔園士燮中年傾血誤服熱藥遂成痼疾身羸足痿十載不痊後乃屏棄方藥專行此法一年之後諸恙悉愈身體亦強健如初

杭州郎二松十三歲患瘵垂危聞某庵有道士功行甚高往求治之道士教以行八段錦法謂能療疾並可延年遵而行之三月後病去若失

張景岳稱其父壽峰公每於五更噓氣因作噯以提之使吐每月行吐法一二次閱四十餘年愈老愈健壽至八旬以外俞惺齋非之以爲陽明胃脈下行爲順若吐則上逆頻吐理當損壽何反益壽殊未敢信此說良是夫古人汗吐下三法皆治實證若屬虛證均非所宜張壽峰以吐而得壽必體質強健或素有痰飲乃藉吐以推蕩積垢他人不得輕易效之

慎藥

凡方之風於今尤甚神仙豈爲人治病大率皆靈鬼耳故有驗有不驗余所目擊者都門章子雅患寒熱凡方用人參黃耆痰塞而殞蕭山李儀軒老年足痿凡方用附子熟地羌活細辛等味失血而亡彼惑於是者效則謂仙之靈不效則謂其人當死乃假手於仙以斃之也噫是尙可與言乎

藥以養生亦以傷生服食者最宜慎之秀水汪子黃孝廉同年肅工詩善書兼諳醫術道光乙未余與同寓都城庫堆胡同求其治病者踵相接丙申正月注忽患身熱

汗出自以爲陽明熱邪宜用石膏服一劑熱卽內陷膚
冷泄瀉神昏三日遽卒醫家謂本桂枝湯證不當以石
膏遏表邪也嶧縣吳孚軒明經鵬飛司鐸太平壬寅六
月科試天氣大熱身弱事冗感邪遂深至秋仲疾作初
起惡寒發熱病勢未甚紹台習俗病者皆飲薑湯而不
知感寒則宜受暑則忌也服二錢暑邪愈熾遂致不救
又有不辨藥品而致誤者歸安陳龍光業外科偶因齒
痛命媳煎石膏湯服之誤用白砒下咽腹卽痛俄而大
劇詢知其誤急飲羹清吐之委頓數日始安猶幸砒湯
僅飲半瓊以其味有異而舍之否則殆矣吾邑陳莊李

氏子夏月霍亂延醫定方有製半夏二錢適藥肆人少而購藥者眾有新作夥者誤以附子與之服藥後腹即大痛發狂口中流血而卒李歸咎於醫醫謂藥不誤必有他故索視藥渣則附子在焉遂控藥肆於官餽以金乃已

世俗喜服熱補藥如桂附鹿膠等老人尤甚以其能壯陽也不知高年大半陰虧服之必液耗水竭反促壽命余見因此致害者多矣

禽蟲皆有智慧如虎中藥箭而食青泥野猪中藥箭食薺芑雉被鷹傷貼地黃葉鼠中礬毒飲泥汁蛛被蜂螫

以蚯蚓糞掩其傷又知啣芋根以擦之鵲之卵破以漏藥纏之方書所載不可勝數今人不辨藥味一遇疾病授命於庸醫之手輕者重重者致死亦可哀已

凡服補劑當審氣體之所宜不可偏一致害葉天士景岳全書發揮云沈赤文年二十讀書明敏過人父母愛之將畢姻合全鹿丸一料少年四人分服赤文於冬令服至春初忽患渾身作痛漸漸腹中塊痛消瘦不食渴喜冷飲後服酒蒸大黃丸下黑塊無數用水浸之胖如黑豆始知爲全鹿丸所化不數日熱極而死同服三少平一患喉痺一患肛門毒一患吐血咳嗽皆死此乃服

熱藥之害也華天士醫驗錄云黃朗令六月畏寒身穿
重棉皮袍頭帶黑羊皮帽喫飯則以火爐置牀前飯起
鍋熱極人不能入口者彼猶嫌冷脈浮大遲軟按之細
如絲此眞火絕滅陽氣全無之症也方少年陽旺不識
何以至此細究其由乃知其父誤信人云天麥二冬膏
養生常服最妙遂將此二味熬膏令早晚日服勿斷服
之三年一寒肺一寒腎遂令寒性漸漬入臟而陽氣寢
微矣是年春漸發潮熱醫投發散藥熱不退而汗出不
止漸惡寒醫又投黃連花粉丹皮地骨皮百合扁豆貝
母鼈甲萎蕤之類以致現症若此乃爲定方用人參八

錢附子三錢肉桂炮薑各二錢川椒五分白朮二錢黃
耆三錢茯苓一錢當歸錢半川芎七分服八劑去棉衣
食物仍畏冷因以八味加減另用硫黃爲製金液丹計
服百日而後全愈此則服涼藥之害也人之愛子者可
不鑑於此而慎投補劑乎

程杏軒治汪木工夏間寒熱嘔瀉自汗頭痛他醫與疏
表和中藥嘔瀉止而發熱不退汗多口渴形倦懶言舌
胎微黃而潤脈虛細據經言脈虛身熱得之傷暑因用
清暑益氣湯加減服一劑夜熱更甚譫狂不安次早復
診脈更細舌胎色紫肉碎疑有血痕渴嗜飲冷此必熱

邪內伏未透當含脈從證改用白虎湯加生地丹皮山

梔黃芩竹葉燈心服藥後週身汗出譫狂雖定神呆手

足冰冷按脈至骨不見

脈伏可與蓋俱翁治風熱症參觀

闔目不省人

事知爲熱厥舌胎形短而厚滿舌俱起紫泡大如葡萄

并有青黃黑綠雜色罩於上辭以不治其母哀懇拯救

乃令取紫雪蜜調塗舌前方加入犀角黃連元參以清

熱金汁人中黃銀花藜豆以解毒另用雪水煎藥厥回

脈出舌泡消苔退僅紫乾耳再劑熱淨神清舌色如常

是役也程謂能審其陽證似陰於後未能察其實證類

虛於前自咎學力未到蓋以初用清暑益氣湯之誤也

因思此湯最不可輕用況因傷暑而脈虛外見汗多口渴等症則尤不當用也

醫家以丸散治病不可輕信而服之吾里有患痞者求治於湖州某醫醫授丸藥服之痞病愈而變肢脹以死又有嬰兒驚風延某醫治之灌以末藥不計數驚風愈而人遂癡至長不愈其藥多用硃砂故也

世人喜服參朮虛者罔得益實症適足爲害蘇州某官之母偶傷於食又感風邪身熱不食醫者以其年高體虛發散藥中雜參朮投之病轉危殆其內姪某知醫適從他方至診其脈且詢起病之由曰右脈沈數有力體

雖憊而神氣已清此因傷食之後爲補藥所誤當以峻藥下之乃用大黃檳榔厚朴萊菔子之屬一劑病如故眾疑其謬某謂藥力未到復投二劑泄去積滯無算病遂廖此可爲浪服補藥之鑑

世俗每謂單方外治者非比內服可放膽用之不知亦有被害者續名醫類案云一僧患瘡疥自用雄黃艾葉燃於被中燻之翌日徧體皴腫皮破水出飲食不入投以解毒不應而死蓋毒藥熏入腹內而散真氣其禍如此又云余舉家生瘡家人亦用此方熏之瘡不愈未幾嬰兒出痘症極凶藥不能下咽而歿殆亦受其毒耳竊

意所患瘡當是熱毒以熱攻熱毒乃益熾故凡用藥先宜審明陰陽虛實不得謂外治無害而漫試之

身軀肥瘦何關利害而隨郡王子隆體肥乃服蘆茄丸以消名位升沈何與梁尋寇萊公望得相乃服地黃兼餌萊菔推之服金丹以求仙反促其壽餌春藥以求子轉傷其生皆逐末忘本者也

郡陽名醫周順謂古方不可妄用如聖惠千金外臺秘要所論病原脈症及鍼灸法皆不可廢然處方分劑與今大異不深究其旨者謹勿妄用有人得目疾用古方治之目遂突出又有婦人產病用外臺秘要坐導方反

得惡露之疾終身不瘥余謂古方固勿妄用近世所傳單方尤當慎擇用之朱子蒲眉極少方士令服末子藥六七釐眉可卽生戒以服藥後須避風服之夕卽有汗偶值賊至乃出庭除及歸寢大汗不能止幾至亡陽後竟不壽

見折肱漫錄

湖州胡氏子患水腫服藥不效有教以

黑魚一尾入綠礬腹中燒灰服之服後腹大痛遽死夫古方單方用之得當爲效甚速但當審病症之所宜且勿用峻厲之藥庶幾有利而無弊耳

士大夫不知醫遇疾每爲俗工所誤又有喜談醫事研究不精孟浪服藥以自誤如蘇文忠公事可惋歎焉建

中靖國元年公自海外歸年六十六渡江至儀真艤舟東海亭下登金山妙高臺時公決意歸毘陵復同米元章遊西山追暑南窗松竹下時方酷暑公久在海外覺舟中熱不可堪夜輒露坐復飲冷過度中夜暴下至旦億甚食黃耆粥覺稍適會元章約明日爲筵俄瘴毒大作暴下不止自是胸膈作脹卻飲食夜不能寐十一日發儀真十四日疾稍增十五日熱毒轉甚諸藥盡卻以參苓瀰湯而氣寢止遂不安枕薦公與錢濟明書云某一夜發熱不可言齒間出血如蚯蚓者無數迫曉乃止困憊之甚細察病狀專是下源不淺當用清涼藥

已令人參茯苓麥門冬三味煎濃汁渴卽少啜之餘藥皆罷也莊生聞在宥天下未聞治天下也三物可謂在宥矣此而不愈則天也非吾過也二十一日竟有生意二十五日疾革二十七日上燥下寒氣不能支二十八日公薨余按病暑飲冷暴下不宜服黃耆迨誤服之胸脹熱壅牙血泛溢又不宜服人參麥門冬噫此豈非爲補藥所誤耶近見侯官林孝廉昌彝射鷹詩話云公散主之否則或清暑益氣湯或五苓散或冷香引子及二陳湯或治中皆可選用既服黃耆粥邪已內陷胸作脹以爲瘴氣大作誤之甚矣瘴毒亦非黃耆粥所可解後乃牙齦出血係前失調達之劑暑邪內干胃腑宜甘露飲犀角地黃主之乃又服麥門冬飲子及人參茯苓麥門冬三物藥不對病以致傷生竊爲公惜之云云余謂

甘露飲犀角地黃湯用之此病固當至桂
附等味公之熱毒如是之甚亦不可用也

用藥最忌夾雜一方中有一二味卽難見功戊午季春
余自武林旋里舟子陳姓病溫壯熱無汗七日不食口
渴胸痞咳嗽頭痛脈數右甚於左杭醫定方用連翹瓜
蘖皮牛蒡子冬桑葉苦杏仁黑山梔象貝竹葉蘆根藥
皆中病情多給羊角枳殼二味服一劑病不減胸口悶
熱轉甚求余診治余爲去給羊角枳殼加淡豆豉薄荷
服一劑汗出徧體卽身涼能食復去淡豆豉牛蒡子加
天花粉二劑全愈因思俗治溫熱病動手卽用給羊角
犀角邪本在肺胃乃轉引之入肝心輕病致重職是故

耳

陶穀清異錄云昌黎公愈晚年頗親脂粉故事服食用
硫黃末攪粥飯啖雞男不使交干日烹庖名火靈庫公
間日進一隻焉始亦見功終致絕命以括按白樂天詩
中退之服硫黃句昔人已辨其非昌黎公陶氏此說未
必可信然亦足徵服食之當謹也

求醫

漢郭玉曰貴者處尊高以臨臣臣懷怖懾以承之其爲
療也有四難焉自用意而不任臣一難也將身不謹二
難也骨節不彊不能藥三難也好逸惡勞四難也夫玉

爲一代良工而猶若此矧在中醫使臨以威嚴必畏慄
失措而診治有誤矣薛立齋醫案云一穩婆止有一女
分娩時巡街御史適行牌取視其室分娩女因驚嚇未
產而死後見御史以威顏分付迨視產母胎雖順而顧
偏在一邊以致難產因畏其威不敢施手由是母子俱
不能救卽此推之凡求醫治病斷不可恃勢分之尊也
凡病不能自治必求治於醫者而其要則有四焉一曰
擇人必嚴醫者之品學不同必取心地誠謹術業精能
者庶可奏功一曰說症必詳脈理淵微知之者鮮惟問
可究病情乃醫之自以爲是者往往厭 填語而病家

亦不能詳述此大誤也故凡求醫診治必細述病源勿
憚其煩一日察藥必慎藥之僞者不必論卽尋常品味
肆中人粗心往往以他物攪濁必親自檢視方免舛誤
至炮煎諸法亦宜精審服之斯可獲效一日錄方必勤
心俗於醫者所定之方服藥旣訖隨手棄擲余謂宜彙
錄一冊以備檢閱此不過舉手之勞耳有心人見之則
上工之治驗固可採以示法中工之方案亦可因以徵
學識之淺深品詣之高下而定其取舍矣

錢塘縣志方伎傳沈好問精小兒醫尤善治痘江魯陶
子一歲痘止三顆見額上耳後脣傍好問曰兒痘部位

心腎脾三經逆傳土尅水水尅火宜攻不宜補攻則毒散補則臟腑相戕治至十四日痘明潤將成矣好問曰以石膏治之恐胃土傷腎水俗醫憐兒小謬投以參好問見之驚曰服參耶不能過二十一日矣兒卒死夫治痘已有成效竟爲庸醫所誤由於恆情皆畏攻而喜補也此亦可爲任醫不專之戒

贈醫詩鮮有佳者近閱臨川李小湖同卿聯琇好雲樓

初集中有贈醫士費晉卿明經詩語殊警惕咸豐中同卿督學江蘇知江蘇有二名醫一爲陽湖吳仲山斐融

居印墅一知武進費晉卿仙舟過吳興城遂並訪之吳

以同

計費謂同州肝陽過旺

心腎不交

之利同卿主費說因贈以詩

云儒林與文苑千秋照簡編
無藝術傳別表冠世賢
華陀許穎宗婦孺驚若仙
本草三千味難經八十篇
格致卽聖學名與精神傳
況用拯危殆能奪造化權
活人較良相未知誰後先
莘渭不巷遇隻手難回天
孟城一匹夫所值蒙生全
日濟什百人功德歲萬千
大哉農軒業託始堯舜前

診法

冠宗奭云凡看婦人病入門先問經期張子和云凡看

婦病當先問娠又云凡治婦病不可輕用破氣行血之藥恐有娠在疑似間也彭用先云凡看產後病須問惡露多少有無此婦科要訣也沈芊綠云嬰兒臟氣未全不勝藥力周歲內非重症勿輕易投藥須酌法治之卽兩三歲內形氣畢竟嫩弱用藥不可太猛峻攻峻補反受藥累此幼科之要訣也王洪緒云癰與疽截然兩途紅腫爲癰治宜涼解白陷爲疽治宜溫消又云惟疔用刺其餘概不輕用刀鍼并禁升降痛爛二藥此外科要訣也

傷寒論六經提綱大半是憑乎問者至如少陽病口苦

咽乾目眩及小柴胡湯症往來寒熱胸脇苦滿默默不欲飲食心煩喜嘔等則皆因問而知此孫真人所以未診先問也

脈

大腸脈候左寸小腸脈候右寸此脈訣之言也自滑伯仁候大小腸於兩尺李士材稱爲千古隻眼後人遂皆信之余考江石山脈訣刊誤辨正叔和之說甚多而獨於左寸候心小腸右寸候肺大腸未嘗以爲非謂以腑配臟二經脈相接故同一部也又昌邑黃坤載元御謂

脈氣上行者病見於上脈氣下行者病見於下手之三

陽從手走頭大小腸位居至下而脈則行於至上故與心肺同候於兩寸其說亦精可正滑說之誤

楊仁齋謂脈沈細沈遲沈小沈瀝沈微之類皆爲陰沈滑沈數沈實沈大之類皆爲陽一或誤施死生反掌余謂亦有不盡然者按名醫類案火熱門壺仙翁治風熱不解兩手脈俱伏時瘟疫大行他醫謂陽證見陰不治欲用陽毒升麻湯升提之翁曰此風熱之極火盛則伏非時疫也升之則死矣投連翹涼膈之劑一服而解又按脈訣歌謂傷寒一手脈伏曰單伏兩手曰雙伏不可以陽證見陰爲診乃火邪內鬱不得發越陽極似陰故

脈伏必有大汗而解時證見此脈不少習醫者宜審之不可專主楊氏之說而爲所誤也

仲景傷寒論結胸熱實脈沈而緊心下痛按之石鞭者大陷胸湯主之金匱論寒疝繞臍痛若發則白津出手足厥冷其脈沈緊者大烏頭煎主之同一沈緊之脈一則屬熱一則屬寒然則臨證者豈可專憑脈乎

上海縣志藝術門載姚蒙善醫尤精太素脈鄒來學巡撫召之視疾姚曰公根器上別有一竅出汗水鄒大驚曰此余秘疾汝何由知姚曰以脈得之左關滑而緩肝第四葉有漏通下故也鄒求藥曰不須藥到南京便愈

以手策之曰今是初七約十二日可到鄒卽行果十二
日晨抵南京而卒夫預決死期脈理精者能之至因關
脈之滑而緩知其有漏通下恐無是事也志書好爲誇
張之辭往往若是

李東璧奇經考云凡八脈不拘制於十二正經無表裏
配合故謂之奇蓋正經猶夫溝渠奇經猶夫湖澤正經
之脈隆盛則溢於奇經故素問人比之天雨降下溝渠
溢滿霧露妄行流於湖澤按此則奇字當讀作奇耦之
奇無表裏配合有讀作奇正之奇者非也

脈象虛實經絡
心蘭治一產婦

有云凡診脈遇極大者，
斟酌如極大而無力
須防陽氣浮散於外如極大之脈久久尋而得之於指
稍稍加力按之至骨愈堅牢者不可認作虛寒今此症
六部皆無脈尺後則實數有力所謂伏匿脈也陽匿於
下亢之極矣豈可泥於產後禁用寒涼哉其辨別脈象
至爲精細爲醫者當熟復其言

鬼崇之脈忽大忽小忽數忽遲蟲症之脈乍大乍小蓋
皆無一定之形也至若氣鬱痰壅之症每因脈道不利
遲數不調最宜審察虛者之脈亦有至數不齊者汪石
山醫案一人患泄精脈或浮濡而駛或沈弱而緩汪曰

脈之不常虛之故也用人參爲君加至五錢而病愈
脈有六陰亦有反關診病者均宜詳審吳郡某醫有聲
於時一達官新納姬人忽患心痛痰湧手厥某診其兩
手無脈辭不治易醫診脈知是反關一劑而愈某之名
望頓減

明王文恪公震澤長語云徐文定公爲詹事時至蘇城
聞王時勉明醫也令診之時勉旣診以公脈有歇至不
敢言公曰吾脈素有異時勉曰如是無妨然則脈又有
歇至而非爲病臨症者可不詳察乎錢塘梁氏玉繩醫記
近有人祇一手有脈一手無脈此理殊不可
議此又臨症者所當知也

汪石山醫案載王宜人產後因沐浴發熱嘔惡渴欲飲冷水瓜果譴諸若狂飲食不進體豐厚不受補醫用清涼熱增劇石山診之六脈浮大洪數曰產後暴損氣血孤陽外浮內真寒而外假熱宜大補氣血與八珍湯加炮薑八分熱減大半病人自知素不宜參耆不肯再服過一日復大熱如火復與前劑潛加參耆炮薑連進二三服熱退身涼而愈此段病情脈象無一可以用溫補者醫安得不屑清涼迫服清涼而熱增劇始知其當用溫補然非如汪之有譴識亦不能毅然用之再其脈雖浮大洪數而按之必無力與葉思蘭所云

見前

相合此可於

言外得之

元和江良庭

登

論語竅質謂孔子聖無不通焉有不知

醫者自脈執手切其脈也既切脈而知其疾不治故曰
亡之命矣夫其說未經人道然禮記疏有夫子脈訣之
說則江說亦自有因江之所慎豈漫以任之醫
人而不究其理乎或謂江可以康子饋藥而
曰未達余曰藥當是丸散之藥不知爲何物卽知之
而莫辨其種之善否故曰未達不達

魏書術藝列傳顯祖欲徐奮之所託置諸病人於幕
中使審隔而脈之深兼知色高祖疾大漸

醫診治有驗聖醫真源下切

卷四 輪出妙供至之

語其藝可謂精矣乃又北皇太后之機也宗也夢爲日
所逐化爲龍而繞后后寤而驚悸遂成心疾王顯診脈
云非有心疾將是懷孕生男之象而審則謂是微風入
臟宜進湯加鍼所謂智者千慮必有一失醫道真不易
言也

脈數時一止爲促促主熱然亦有因於寒者如傷寒脈
促手足厥逆可灸之注家謂眞陽之氣本動爲寒所迫
則數而促也脈緩時一止爲結主寒然亦有因於熱者
如太陽病身黃脈沈結少腹鞭小便利其人如狂者血

證諦也抵當湯主之注家謂濕熱相搏脈緩爲濕所以裏濕之脈當見沈結也觀此益知臨症者不可專憑脈矣

用藥

徐之才十劑宣通而洩輕重滑瀉燥濕王好古補二種曰寒可去熱大黃芒硝之屬是也熱可去寒附子官桂之屬是也藥之用已無遺心印緒珠經傳十八劑之目曰輕解清緩寒調甘火暑淡濕奪補平榮瀉溫和則繁而寡要矣

鄭康成周官疾醫注五穀麻黍稷麥豆素問以麥黍稷

稻豆爲五穀分屬心肝脾肺腎治病當從之程杏軒醫
業輯錄治胸脘脹痛泛泛欲嘔食麪尙安稍飲米湯脘
中卽覺不爽謂肝之穀爲麥胃弱故米不安肝強故麥
可受當用安胃制肝法此得內經之旨者也

名家治病往往於眾人所用方中加一藥味卽可獲效
如宋徽宗食冰太過患脾疾楊吉老進大理中丸上曰
服之屢矣楊曰疾因食冰請以冰煎此藥是治受病之
源也果愈杜清碧病腦疽自服防風通聖散數四不愈
朱丹溪視之曰何不以酒製之清碧乃悟服不盡劑而
愈張養正治聞教諭羸疾吳醫皆用三白湯無效張投

熟附二三片煎服卽瘥繆仲淳治王官壽遺精聞婦人
聲卽泄瘡甚欲死醫者告術窮繆之門人以遠志爲君
蓮鬚石蓮子爲臣龍齒茯神沙苑蒺藜牡蠣爲佐使丸
服稍止然終不斷繆加鯁膠一味不終劑卽愈葉天士
治難產眾醫用催生藥不驗是日適立秋葉加梧桐葉
一片藥下咽卽產嘉定何升伯患嘔吐醫用二妙丸不
效徐靈胎爲加茶子四兩煎湯服之遂愈因其病茶積
故用此方

運機

捷功

鄉

廣

人

得

遂取

藥中宜生半夏等七味。請南戶。之毒須

薑汁。用。解服至一二錢。即不能更

多。因以。之飲盡。而病退。凡病者畏藥

氣之烈。惡藥味之苦。仿用此法。陳載庵嘗治一人

熱甚。喉痛。用甘草桔梗連翹馬勃牛蒡元參等味。其

人生平飲藥。即嘔。堅不肯服。而病劇。又不能不進藥。乃

令以藥煎露飲。二十餘碗。而全愈。

許允宗治王太后病風。不能言。以防風黃耆煎湯數斛。

置牀下薰蒸使口鼻俱受此夕便得語陸嚴治徐氏婦產後血悶暴死胸膈微熱用紅花數十觔大鍋煮湯盛木桶令病者寢其上薰之湯氣微復進之遂得甦此善師古法者也李王治痿謂病在表而深非小劑能愈乃熬藥二鍋傾缸內稍冷令病者坐其中以藥澆之踰時汗大出立愈則又卽其法而變化之醫而若此與道大適矣

吳人畏服重藥馬元儀預用麻黃浸豆發漿凡遇應用

麻黃者方書大黃豆卷俾病家無所疑懼

當時治病皆於醫家取藥

徐靈胎治張某病當用大黃恐其不服詭言以雪蝦蟆

配藥之法與西醫不同

非拘方之士

所能及也

病有因偏嗜食物而成者非詳問得之奚由奏效前人
治驗略述數則以資玩索朱丹溪治叔祖泄瀉脈濇而
帶弦詢知喜食鯉魚以茱萸陳皮生薑砂糖等藥探吐
膠痰而瀉止林學士面色頰青形體瘦削夜多驚悸杜
某詢知喜食海蛤味鹹故心血衰令多服生津液藥而
病愈富商患腹脹百藥無效反加胃嘔食減尫羸一草
澤醫詢知夏多食冰浸瓜果取涼太過脾氣受寒醫復
用寒涼重傷胃氣以丁香木香官桂健脾和胃肺氣下

行由是病除趙尹好食生米而生蟲憔悴萎黃不思飲食用蒼朮米泔水浸一夜剉焙末蒸餅丸米湯下而愈吳孚先治長夏無故四肢厥冷神昏不語問之曾食猪肺乃令以款冬花二兩煎湯灌之而痊蓋所食乃瘟猪肺也沈繹治肅王嗜乳酪獲疾飲濃茶數碗蕩滌膈中而愈薛立齋治一老人似痢非痢胸膈不寬用痰痢等藥不效詢知素以酒乳同飲爲得酸則凝結得苦則行散遂以茶茗爲丸時用清茶送三五十丸不數服而痊吳廷紹治馮延巳胸中痛詢知平日多食山雞鷓鴣投以甘草湯而愈楊吉老治楊立之喉痛潰爛飲食不進

調和藥日多食鷓鴣肉令食生薑一片覺香味異常漸
加至半觔餘喉痛頓消飲食如故梁新治富商暴亡謂
醫治一婦面生黑斑數點日久滿面俱黑詢知日食班
鳩用生薑一觔切碎研汁將滓焙乾卻用生薑汁煮糊
丸食之一月平復蓋山雞鷓鴣竹雞班鳩皆食半夏故
以解其毒也沈宗常治廬陵人脹而喘三日食不下咽
視脈無他問知近食羊脂曰脂冷則凝溫熨之所及也
溫之得利而愈

治癰病宿病有不能速愈者如朱丹溪治虛損瘦甚右

脇下痛四肢軟弱用二陳湯加白芥子枳實薑炒黃連
竹瀝八十貼而安祝仲寧治腳膝痺痛服清燥湯百劑
而愈此類甚多當初服數劑時必不見效非信任之深
誰能耐久乎吁世之延醫治病往往求其速效更易醫
者雜投方藥而病轉增劇蓋比比然矣

袁隨園作徐靈胎先生傳有云張雨村兒生無皮先生
命以糯米作粉糝其體裏以絹埋之土中出其頭飲以
乳而晝夜而皮生此蓋有所本也元危亦林得效方生
子無皮速用白早米粉乾撲候生皮方止明萬可久治
舟人生子身無全膚令就岸畔作一坎置其中以細土

隔衾覆之且戒勿動久之生膚蓋其母懷妊舟中久不登岸失受土氣故也徐參用二法而得效洵平醫之貴博覽也

治婦人肝症每用疏泄攻伐之藥而不知陰受其傷治小兒驚風每用香竄鎮重之劑而不知隱貽之害治肝莫善於高鼓峯之滋水法治風莫善於吳鞠通之解兒難洵可以挽積弊拯生命也

世人襲引火歸源之說以用桂附而不知所以用之之誤動輒誤人今觀秦皇士所論可謂用桂附之準特錄於此趙養葵用附桂辛熱藥溫補相火不知古人以肝

腎之火喻龍雷者以二經一主乎木一主乎水皆有相
火存其中故乙癸同源二經真水不足則陽旺陰虧相
火因之而發治宜培養肝腎真陰以制之若用辛熱攝
伏豈不誤哉夫引火歸源而用附桂實治真陽不足無
根之火爲陰邪所逼失守上炎如戴陽陰躁之症非龍
雷之謂也何西池曰附桂引火歸源爲下寒上熱者言
歸於何處此說可證龍雷之火肝腎之真陰不足肝腎之
相火上炎水虧火旺白下赤帶六淫之邪天外
加臨而用苦寒直折又不可也之而用升陽散

火之

滋腎丸及家傳腎

九地黃天冬歸身白芍黃柏川母共研細末元武膠爲丸之類是也

病有上下懸殊者用藥殊難陸養愚醫案有足以爲法者錄之陸前川素患腸風便燥冬天喜食銅盆柿致胃脘常心而痛醫以溫中行氣之藥療其心痛痛未減而腸紅如注以寒涼潤燥之藥療其血便未通而心痛如刺陸診其脈上部沈弱而遲下部洪滑而數曰此所謂胃中積冷腸中熱也用潤字丸三錢以沈香衣其外濃煎薑湯送下二錢半日許又送一錢平日服寒涼藥一過胃脘必痛如割今兩次丸藥胸膈不作痛至夜半大便行極堅而不甚痛血減平日十之六七少頃又便一

次微痛而血亦少便亦不堅清晨又解便澹一次微見血而竟不痛矣惟心口之痛尚未舒因爲合腸連丸亦用沈香爲衣薑湯送下以清下焦之熱而潤其燥又用附子理中料爲散以溫其中飴糖拌吞之以取戀膈不使速下不終劑而兩症之相阻者並痊此上溫下清之治法也盧紹庵曰丸者緩也達下而後鎔化不犯中焦之寒散者散也過咽膈卽銷鎔不犯曉門之熱妙處在於用沈香飴糖

陳署倉卒咳嗽痰有血後熱頭眩胸滿下利腳膝無主昌用滋陰降藥已半年飲食漸少料神診其脈兩寸關沈數有力兩尺澹弱而反微子此上盛

下虛之症上盛者心肺間有留痰血也。服時服之日中用貝母蘇子山查丹皮桃仁紅花小麥根煎湯代水煎藥服之十帖痰清血止後以清氣養營湯此湯白芍藥川芎木香白豆蔻陳皮黃連與固本丸間服三月後病瘥。艾孕此二清下補之治法也。

物性有相忌者即可因之以治病如鐵畏朴硝張景岳治小兒吞鐵釘入腹內用活磁石一錢朴硝二錢并研末熬熟猪油加蜜和調與之吞盡遂裹護鐵釘從大便解下豆腐畏萊菔延壽書云有人好食豆腐中毒醫不

能治作腐家言萊菔入湯中則腐不成遂以萊菔湯下藥而愈菱畏桐油橘旁雜論云一醫治某嗜菱食之過多身熱胸滿腹脹不食病勢垂危知菱花遇桐油氣輒萎因取新修船上油滯作丸入消食行氣藥中與服卽下黑燥糞而痊此類尙多未能縷舉習醫術者誠不可不博識多聞也